

### 0.0.1 dutiyagaddulabaddhasuttam

#### 0. sāvattthiyam

1. anamataggo'yaṃ bhikkhave, saṃsāro pubbā koṭi na paññāyati avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsarataṃ. seyyathāpi bhikkhave, sā gaddulabaddho daḷhe khīle vā thambhe vā upanibaddho so gacchati cepi tameva khīlaṃ vā thambhaṃ vā upagacchati. tiṭṭhati cepi tameva khīlaṃ vā thambhaṃ vā upatiṭṭhati, nisīdati cepi tameva khīlaṃ vā thambhaṃ vā upanisīdati, nipajjati cepi tameva khīlaṃ vā thambhaṃ vā upanipajjati.

2. evameva kho bhikkhave, assutavā puthujjano rūpaṃ 'etaṃ mama, eso'hamasmi, eso me attā'ti samanupassati vedanaṃ 'etaṃ mama, eso'hamasmi eso me attā'ti samanupassati. saññaṃ 'etaṃ mama, eso'hamasmi, eso me attā'ti samanupassati saṃkhāre 'etaṃ mama, eso'hamasmi eso me attā'ti samanupassati. viññānaṃ 'etaṃ mama eso'hamasmi, eso me attā'ti samanupassati.so gacchati, ce'pi imeva pañcupādānakkhandhe upagacchati. tiṭṭhati ce'pi imeva pañcupādānakkhandhe upatiṭṭhati, nisīdati cepi imeva pañcupādānakkhandhe upanisīdati. nipajjati cepi imeva pañcupādānakkhandhe upanipajjati.

3. tasmātiha bhikkhave, bhikkhunā abhikkhaṇaṃ<sup>1</sup> sakaṃ cittaṃ paccavekkhitabbam dīgharattamidam cit-

<sup>1</sup>bhikkhave abhikkhaṇaṃ - machasaṃ, syā, sī 2.

taṃ saṃkiliṭṭhaṃ. rāgena dosena mohenāti. citta-saṃkilesā bhikkhave, sattā saṃkilissanti. cittavodānā sattā visujjhanti.

4. diṭṭhaṃ vo bhikkhave, caraṇaṃ nāma cittanti?

5. evaṃ bhante

6. tampi kho bhikkhave, caraṇaṃ<sup>2</sup> cittaṃ citteneva cittitaṃ tena'pi kho bhikkhave, caraṇena cittaṃ cittaṃ cittaṃ aññaṃ cittaṃ tasmātiha bhikkhave, bhikkhunā abhikkhaṇaṃ sakaṃ cittaṃ paccavekkhitabbaṃ 'digharattamidaṃ cittaṃ saṃkiliṭṭhaṃ rāgena dosena mohenā'ti. citta-saṃkilesā bhikkhave, sattā saṃkilissanti. cittavodānā sattā visujjhanti.

7. nāhaṃ bhikkhave, aññaṃ ekanikāyampi samanupassāmi, evaṃ cittaṃ yathayidaṃ bhikkhave, tiracchānagatā pāṇā. te'pi kho bhikkhave, tiracchānagatā pāṇā citteneva cittitā<sup>3</sup>, tehi'pi kho bhikkhave, tiracchānagatehi pāṇehi cittaṃ aññaṃ cittaṃ tasmātiha bhikkhave, bhikkhunā abhikkhaṇaṃ sakaṃ cittaṃ paccavekkhitabbaṃ 'digharattamidaṃ cittaṃ saṃkiliṭṭhaṃ rāgena dosena mohenā'ti. citta-saṃkilesā bhikkhave, sattā saṃkilissanti. cittavodānā sattā visujjhanti.

---

<sup>2</sup>caraṇaṃ nāma, machasaṃ, syā, pts

<sup>3</sup>cittatā - sī. 2, pts

8. seyyathāpi bhikkhave, rajako vā cittakārako vā sati rajanāya vā lākhāya vā haliddiyā vā nīlāya vā<sup>4</sup> mañ-  
jetthāya vā suparimaṭṭhe<sup>5</sup> vā phalake bhittiyā vā dus-  
sapate vā itthirūpaṃ vā purisarūpaṃ vā abhinimmi-  
neyya sabbamaṅgapaccamaṅgaṃ.

9. evameva kho bhikkhave, assutavā puthujjano rū-  
paññeva abhinibbattento abhinibbatteti. vedanaññeva  
abhinibbattento abhinibbatteti. saññāññeva abhinib-  
battento abhinibbatteti. saṃkhāreyeva abhinibbattento  
abhinibbatteti. viññāṇaṃyeva abhinibbattento abhi-  
nibbatteti.

10. taṃ kimaññatha bhikkhave, rūpaṃ niccaṃ vā anic-  
caṃ vāti?

11. aniccaṃ bhante

12. yaṃ panāniccaṃ taṃ dukkhaṃ vā taṃ sukhaṃ  
vāti?

13. dukkhaṃ bhante

14. yaṃ panāniccaṃ dukkhaṃ vipariṇāmadhammaṃ  
kallannu taṃ samanupassituṃ 'etaṃ mama eso'hama-  
smi, eso me attā'ti?

<sup>4</sup>panīliyā vā - machasaṃ, sī 2.

<sup>5</sup>suparimaṭṭhe - machasaṃ, pts

15. no hetam bhante

16. vedanā niccam vā aniccam vāti?

17. aniccam bhante

18. yaṃ panāniccam taṃ dukkhaṃ vā taṃ sukhaṃ vāti?

19. dukkhaṃ bhante

20. yaṃ panāniccam dukkhaṃ vipariṇāmadhammaṃ kallannu taṃ samanupassituṃ 'etaṃ mama eso'hamasmi, eso me attā'ti?

21. no hetam bhante

22. saññā niccam vā aniccam vāti?

23. aniccam bhante

24. yaṃ panāniccam taṃ dukkhaṃ vā taṃ sukhaṃ vāti?

25. dukkhaṃ bhante

26. yaṃ paṇāniccaṃ dukkhaṃ vipariṇāmadhammaṃ  
kallannu taṃ samanupassituṃ 'etaṃ mama eso'hama-  
smi, eso me attā'ti?

27. no hetāṃ bhante

28. saṃkhārā niccaṃ vā aniccaṃ vāti?

29. aniccaṃ bhante

30. yaṃ paṇāniccaṃ taṃ dukkhaṃ vā taṃ sukhaṃ  
vāti?

31. dukkhaṃ bhante

32. yaṃ paṇāniccaṃ dukkhaṃ vipariṇāmadhammaṃ  
kallannu taṃ samanupassituṃ 'etaṃ mama eso'hama-  
smi, eso me attā'ti?

33. no hetāṃ bhante

34. viññāṇaṃ niccaṃ vā aniccā vāti?

35. aniccaṃ bhante

36. yaṃ paṇāniccaṃ taṃ dukkhaṃ vā taṃ sukhaṃ  
vāti?

37. dukkhaṃ bhante

38. yaṃ paṇāniccaṃ dukkhaṃ vipariṇāmadhammaṃ  
kallānu taṃ samanupassituṃ 'etaṃ mama eso'hamasmi,  
eso me attā'ti?

39. no hetāṃ bhante

40. tasmātiha bhikkhu, yaṃ kiñci rūpaṃ atītānāga-  
tapaccuppannaṃ ajjhattaṃ vā bahiddhā vā oḷārikaṃ  
vā sukhumaṃ vā hīnaṃ vā paṇītaṃ vā yaṃ dūre san-  
tike vā sabbāṃ rūpaṃ 'netāṃ mama neso'hamasmi na  
me'so attā'ti. evameva yathābhūtaṃ sammappañ-  
ñāya daṭṭhabbaṃ.

41. yā kāci vedanā atītānāgatapaccuppannaṃ ajjhat-  
taṃ vā bahiddhā vā oḷārikaṃ vā sukhumaṃ vā hīnaṃ  
vā paṇītaṃ vā yaṃ dūre santike vā sabbāṃ vedanaṃ  
'netāṃ mama neso'hamasmi na me so attā'ti, evame-  
va yathābhūtaṃ sammappaññāya daṭṭhabbaṃ.

42. yā kāci saññā atītānāgatapaccuppannaṃ ajjhat-  
taṃ vā bahiddhā vā oḷārikaṃ vā sukhumaṃ vā hīnaṃ  
vā paṇītaṃ vā yaṃ dūre santike vā sabbāṃ saññaṃ  
'netāṃ mama neso'hamasmi na me so attā'ti, evame-  
va yathābhūtaṃ sammappaññāya daṭṭhabbaṃ.

43. ye keci saṃkhārā atītānāgatapaccuppannaṃ aj-  
jhattaṃ vā bahiddhā vā oḷārikaṃ sukhumaṃ vā hīnaṃ

vā paṇītaṃ vā yaṃ dūre santike vā sabbhaṃ saṃkhāraṃ 'netam mama neso'hamasmi na me so attā'ti, evametam yathābhūtaṃ sammappaññāya daṭṭhabbaṃ.

44. yaṃ kiñci viññāṇaṃ atītānāgatapaccuppannaṃ ajjhataṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā sabbhaṃ viññāṇaṃ: 'netam mama neso'hamasmi na me so attā'ti, evametam yathābhūtaṃ sammappaññāya daṭṭhabbaṃ.

45. evaṃ passaṃ ariyasāvako rūpasmiṃpi nibbadanti nibbidaṃ virajjati, virāgā vimuccati, vimuttasmiṃ vimuttamiti ñāṇaṃ hoti, khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyāti pajānātīti.